

6. gr.

Séu unglingsarnir vistaðir af barnaverndaryfirvöldum greiði viðkomandi sveitarfélag daggjöld. Dagggjöld vegna vistana lögreglu greiðist úr ríkissjóði.

Menntamálaráðuneytið ákveður dagggjöld, að fengnum tillögum aðalstjórnar. Höfð skal bliðsjón af dagggjöldum Landspítala.

7. gr.

Forstöðumenn unglingsheimilanna eru skipaðir af menntamálaráðherra að fengnum tillögum stjórnar. Skulu þeim sett erindisbréf. Forstöðumenn skulu hafa sérmenntun á sviði uppeldis og/eða félagsmála.

Við unglingsheimilin skulu starfa eftir því sem fjárveitingar leyfa eftirtaldir sérfræðingar og sérþjálfað starfsfólk: sálfræðingur, geðlæknir, félagsráðgjafi, sérkennarar fyrir unglings með hegðunarvandkvæði og uppeldisfulltrúar. Sérstakar reglur skulu settar um menntunarskilyrði og starfsreynslu uppeldisfulltrúa svo og réttindi þeirra og skyldur. Sama gildir um aðra starfsmenn eftir atvikum. Heimilt er að setja öllum starfsmönnum erindisbréf.

Aðalstjórn ákvarðar hvar sérfræðingar hafa aðalaðsetur, svo og um starfsskyldur þeirra við heimilin á og utan Reykjavíkursvæðisins.

8. gr.

Stjórnin hlutast til um, að haldin séu fræðslu- og samstarfsnámskeið fyrir starfsfólk uppeldisheimilanna ekki sjaldnar en einu sinni á ári hverju eftir því sem fjárveitingar leyfa. Starfsfólki er skylt að sækja þessi námskeið.

9. gr.

Reglugerð þessi er sett með skírskotun til laga nr. 53/1966 um vernd barna og unglings og öðlast þegar gildi. Jafnframt fellur úr gildi reglugerð nr. 225/1973 um Skólaheimilið í Breiðavík.

Menntamálaráðuneytið, 16. febrúar 1978.

Vilhjálmur Hjálmarsson.

Birgir Thorlacius.

Staðfesting forsetans á skipulagsskrá fyrir Nórussjóð, útgefin á venjulegan hátt að mandatunum af dómsmálaráðherra 26. janúar 1978. Jafnframt fellur úr gildi staðfesting útgefin 14. desember 1977.

Skipulagsskráin er þannig:

SKIPULAGSSKRÁ

fyrir Nórussjóð.

1. gr.

Sjóðurinn heitir Nórussjóður. Heimili hans og varnarþing er í Reykjavík.

2. gr.

Stofnendur sjóðsins eru félagar í Kattavinafélagi Íslands. Stofnfé er kr. 100 000.00, sem er fyrsta gjöfin í sjóðinn, gefin til minningar um köttinn Nóru.

3. gr.

Tilgangur sjóðsins er að leggja fram fé til stofnunar kattaheimilis í Reykjavík, sem stofnsett verður og starfrækt af Kattavinafélagi Íslands, og styðja rekstur þess ef með þarf. Ekki er heimilt að verja fé úr sjóðnum til annars, fyrr en rekstur þess heimilis er að fullu tryggður. Þá fyrst og fyrr ekki er heimilt að verja úr sjóðnum fé til stofnunar á kattaheimili annars staðar og stuðnings á rekstri þess, uns hann er að fullu tryggður, og svo áfram, ef Kattavinafélagi Íslands þykir við þurfa.

Eingöngu má verja fé sjóðsins til kattaheimilis, sem stofnsett er og rekið af Kattavinafélagi Íslands og aldrei nema til eins í einu, samkvæmt framansögðu.

4. gr.

Stjórn Kattavinafélags Íslands fer með stjórn sjóðsins samkvæmt skipulagsskrá þessari og má ekki útaf breyta. Endurskoðandi skal vera löggildur.

Verði Kattavinafélag Íslands lagt niður, eða sjóðurinn hætti störfum af öðrum ástæðum, skal fela Menntamálaráðuneytinu varðveislu sjóðsins og eigna hans, þar til svipuð starfsemi rís upp að dómi ráðuneytisins og gangi þá eignirnar til þeirrar starfsemi.

Aldrei má breyta ákvæðum 3. gr. um tilgang sjóðsins og aldrei má breyta ákvæðum þessarar greinar um ráðstöfun á eignum Nórusjóðs, ef hann hættir störfum.

5. gr.

Tekjur sjóðsins eru gjafir, áheit, tekjur af kortasölu og öðru því, sem félagar og aðrir velunnarar kunna að gera til fjáröflunar, auk vaxta. Heimilt er að verja öllum tekjum sjóðsins samkvæmt skipulagsskrá þessari, en engu á annan hátt. Stofnfé má ekki hreyfa.

Reikningsár telst almanaksár.

6. gr.

Leita skal staðfestingar forseta Íslands á skipulagsskrá þessari.

20. janúar 1978.

Nr. 120.

Staðfesting forsetans á skipulagsskrá fyrir Minningarsjóð hjónanna frú Guðrúnar Guðfinnu Þorláksdóttur Schram og Gísla Björnssonar, útgefin á venjulegan hátt að mandatum af dómsmálaráðherra 20. janúar 1978.

Skipulagsskráin er þannig:

SKIPULAGSSKRÁ

fyrir minningarsjóð hjónanna frú Guðrúnar Guðfinnu Þorláksdóttur Schram og Gísla Björnssonar.

1. gr.

Sjóðurinn heitir Minningarsjóður hjónanna frú Guðrúnar Guðfinnu Þorláksdóttur Schram og Gísla Björnssonar, sem bæði voru búsett á Hverfisgötu 86, Reykjavík.

2. gr.

Sjóðurinn er stofnaður til minningar um ofangreind hjón í samræmi við arfleiðsluskrá Gísla Björnssonar heitins, en hann lést 1. febrúar 1977.

3. gr.

Stofnfé sjóðsins er 45% — fjórtíu og fimm hundraðshlutar — af nettó eign dánar-bús Gísla heitins eða kr. 2 573 580.00.